



**“I te cherdì con to ennom” dij le Signur.**

La ploania tol sò con ligreza te sòa comunité **Fabian Willeit** (d'Laronz) y ti fej les mius aodanzes ai geniturs Simon y Stephanie: Idio, la Oma dal Ci y le Sant Patron acompagneii Osc môt con sòa benedisciun y proteziun.



**Preparaziun ala Crejima 2027:** en vendres ai 5 de jügn ál motü man por passa 100 jogh y jones de nosta valada le tru de preparaziun ala Crejima, co sará ai 4 d'aorí 2027. I sun jüs deboriada sò Oies olache i án empü' emparé da se conesce, án fat val jüch y dedô él sté la Santa Messa. La preparaziun con les tematiches spezifiches te 6 encuntadesvá ennant da d'altonn 2026 cina merz 2027.

I periun dōta la comunité da se acompagné tl'oraziun: Andreas Burchia, Emma Costa, Nicolas Ellemunter, Samuel Erhard, Melanie Feichter, Francesco Obojes, Daniel Pedevilla, Andrea Santolini, Alex Trebo, Valentina Willeit.

## 1 Enformaziuns y termins

**KVW Senioreclub:** en dedemesaledema ai 24 de jügn piunse ia con le Mareobus ales 8:45 dal Cone demez por jí sön le Stallersattel, danló a pé la Roda dal le.

**Oraziun:** en domegna ai 28 de jügn dales 14:45 les 18:00 él na encuntada de oraziun sò Oies, con santa messa. Enformaziuns pa Agnes Dapré al ☎ 339 1696315.

**Le Raiun sozial Val Badia** chir n:na operadú:dessa sozioassistenzial:a (Sozialbetreuer:in) o n:na operadú:dessa soziosanitar:a (Pflegehelfer:in) por le Sorvisc Assistenza a ciasa da atira fina ala fin de setember con poscibilité de prolungé le contrat de laur. Le post é a tomp parzial o ince a tomp plen. Le paiamont brutto al mens é: por n:na operadú:dessa sozioassistenzial:a (Sozialbetreuer:in) al 100%, za. 2.600,00 € brutto por n:na operadú:dessa soziosanitar:a (Pflegehelfer:in) za. 2.400,00 € brutto. Por deplü enformaziuns contatéde Helga Trebo al ☎ 0474 524513 o ince helga.trebo@bzgpust.it

**Döt le bun a:** y a düc chi co á santennom y complesc i agn cōst'edema

**Impressum:** Ploania d'La Pli; redaziun Franz Rigo, Roman Frontull  
**Comunicaziuns:** cina le dedemesaledema sera a Franz Rigo, ☎ 347 2310129 o ✉ ploania@gmx.net  
**Download plata:** www.unitepastorala.org



# Plata dla Ploania La Pli de Mareo Santa Maria dal Bun Consei

Ploan: Signor Klaus Sottsas  
✉ klsottsas@rolmail.net

Calogna Al Plan: ☎ 0474 501006  
Radio de Ploania: 93,00 MhZ

UNITÉ PASTORALA



VAL BADIA  
www.unitepastorala.org

Ann A

21.06.2026 - 12. domegna ia por l'ann

n. 30

## No se temede

📖 **Ier. 20, 10–13 | Rom 5, 12–15 | Mt 10, 26–33**

*Chi co condüj na vita da der cristian messará plü gonot se sontí susc y arbandonés, y gnará magari ince manacés de mort, deache sòa vita ne vá nia a òna con la manira da vire de trepa jont. Cōsc á ince mossü sperimenté le profet Geremía, porseghité rodunt da sòa jont. Al sozeda ince ch'an s'la rí, ch'an ven coienés o tegnis fora y ch'an paia alassora. Mo chel co vir con convinziun sòa fede, chel confida sön Chel Bel Dio desche le profet s'á lascé sön El (1<sup>a</sup> letōra). Les tribulazions co ven da foradeca n'é nia bones da desdrü la forza y la sügherté che chel co crei á ciáfé da Chel Bel Dio. Porchel n'ál nia bria da se temeí da chel co n'é nia bun da copé l'anima mo ma da chel co pó mené en roina corp y anima (Vangelo). Le cristian sá che la grazia de Dio y sòa iustizia ti é gnüda dada por merit de Gejú Crist en gran abundanza a ben de düc (2<sup>a</sup> letōra). da "Biblia di Sandís"*

### Dal Vangelo do San Mateo:

Te chel tomp á Gejú dit a sü discepu: <sup>26</sup>No se temede dala jont! Deach'al n'é nia de curí, co ne gnará nia descurí, y al n'é nia de ascognü, co ne gnará nia conesciü. <sup>27</sup>Ci ch'i ves diji tal scür, encündedele tal lominus dal de, y ci ch'an ves dij tla oredla, scraiedele fora sõi tec. <sup>28</sup>No se temede da chi co copa le corp, mo che n'é nia bogh de copé l'anima, temesse endere da chel co é bun de sciüré corp y anima tla perdiziun dal lunfer. <sup>29</sup>Ne venon nia dui spazuns por n pèr de zentejimi? Y empó nen tómel degün ia por tera zonza l'orenté de osc Pere. <sup>30</sup>Pa os é cinamai düc i ciaveis compedés sön osc ce. <sup>31</sup>No se temede porchel! I valeis deplü co n gröm de spazuns. <sup>32</sup>Chel co mo reconesc dan dala jont, chel reconesciarai ince iu dan da mio Pere tal ci. <sup>33</sup>Chel co mo desconesc endere dan dala jont, chel desconesciarai ince iu dan da mio Pere tal ci.



**Ne venon nia dui spazuns  
por n pèr de zentejimi?  
Y empó nen tómel degün ia por tera  
zonza l'orenté de osc Pere.  
Mt 10, 29**

📖 **Letōres dla 13. domegna ia por l'ann:**  
**2 Resc 4, 8–11.14–16a | Rom 6, 3–4.8–11 | Mt 10, 37–42**

## Edema liturgica dai 21.06. ai 28.06.2026

<b>DOM 21.</b>	<b>12. domegna ia por l'ann</b>	<i>Alvije (Lovije) da Gonzaga</i>
08:15	gran messa por dōta la ploania s.m. por les families de Bolser s.m. por †† Maria y Vigile Comploi, dal Mōra	<b>oferta por la ploania</b>
11:00	<b>funziun dal Bato de Fabian Willeit</b>	
10:00	gran messa a Al Plan	
<b>Lön 22.</b>	<i>Paulinus, John Fisher y Thomas Morus</i>	
19:00	s.m. por les families co se stonta da perié s.m. por vis y †† dla fam. Heiss, Valsperch	
<b>Ded 23.</b>	<i>Edeltraud</i>	
07:30	s.m. a Antermeia	
<b>Dem 24.</b>	<b>GRAN FESTA DAL NADÉ DE SAN JAN LE BACIADÚ</b> , Ivan	
<b>Jöb 25.</b>	<i>Wilhelm, Eleonora, Max</i>	
07:30	s.m. a Rina	
→ 19:00	<b>oraziun da Taizé</b>	
<b>Ven 26.</b>	<i>Vigile da Tront</i>	
07:30	s.m. a Al Plan	
<b>Sab 27.</b>	<i>Hemma da Gurk, Ziril d'Alessandria</i>	
07:30	s.m. en onú de Santa Maria s.m. por †† Tone Trebo y Pire Konrater, Biei defora	
18:00	s.m. prefestia a Al Plan	
<b>DOM 28.</b>	<b>13. domegna ia por l'ann</b>	<i>Ireneus, Eckhard</i>
08:15	gran messa por dōta la ploania s.m. por † Jep Palfrader, Mone s.m. por †† Deto y Maria Fiung, Longega	→ <b>oferta "Obolo de San Pire"</b>
10:00	gran messa a Al Plan	
<i>ministronc:</i>	<b>lönesc y sabeda:</b> Sara Palfrader y Lucrezia Winkler <b>domegna:</b> Elias Palfrader y Aileen Ellecosta, Linda Facchini y Maria Erhard	

Oh Dio, che te i as afidé a nosta debleza l'encündaziun profetica de tōa parora, sostégnesse con la forza de to Spirito, ch'i ne se dodunse mai de nosta fede, mo ch'i professunse zonza tema to ennom dan dala jont, ch'i gnunse ensciö reconesciüs da te le dé de to avent. Por nosc Signur Gejú Crist, to Fi, co é Dio y vir y regneia con te tl'unité dal Spirito Sant por düc i secui dai secui. – Amen.



## Ocio! Desciaria dal ciomont! (Mt 10, 26–33)

### I ponsi do

*Le cristian n'á nia na vita saorida: al pó fá l'esperionza da gní despriyé y porseghité. L'envit da nia avei tema é sostegni dala sügheré che Gejú se deida y che el „salva nosta anima“. Le coraji da testimonié Gejú reverda ince nos, encö. Le reconesce ó dí vire con el, nia avei pora da manifesté les idees y deziujiuns co ven dal Vangelo y dala fede cristiana.*

### I preii ensciö

I ne sá nia avisa ci ch'al é la „Geéna“, mo ince ma la idea da roé enló con „l'anima y le corp“ mo fej pora. Al ven dit che al é na gran büja dan les portes de lerúsalem, na sort de desciaia da olá che al ven fora föms y tofs nia da suporté. Oh, na, caro Gejú, te n'os nia se sciüré jö te en te' post? Porchel oste ch'i metunse averda da nia trasformé nosta vita te cender, da la perde ti saltenn do a idoi falc, da la sciüré ia zonza amur, zonza fede, y porchel, zonza contenteza. Dámo la forma da ne mo dodé mai de te. Deidemo te mia deziun da cherí fora danter le bun nia comot y da m'an desdí dal mal saorí. Ci sán pa sce, fajenn ensciö y con to aiüt, odarái la „Geéna“ desco en turista corius y nia desco en abitant malencontont.

*Walter Cazzaniga, Parola amica – Il Vangelo della domenica per ragazzi*



## Gran Festa dal Nadé de Jan le Baciadú

**Jan Batista** é dlungia Maria l'unico sant de chel ch'an recorda so nadé tla liturgia, avisa sis mensc dan le nadé de Gejú Crist. I avenimonc demorveia encer so nadé mostra sòn la gran emportanza de Jan tla storia dla salveza.



**Dal Vangelo de San Lúca:** [...] Do otedé éσαι gnüs a lascé zircunzijé le möt y orea ti dé l'ennom de so pere Zacaría. Mo söa oma s'á motü decuntra y á dit: Na, Jan déssel avei ennom. Ai ti á respognü: Al n'é degügn te tōa parentela co á ennom ensciö. Spo ái damané so pere con segns, desche le möt dea avei ennom. Al á damané do na tofla y á scrit lassora a morveia de düc: So ennom é Jan. Tal medemo momont êl endô bun da adoré la bocia y la lenga y al baiá y aprijâ Idio. Y düc chi co viea te chi versc s'á spordü y an cuntâ de dōtes cōstes cosses te dōt le raiun dles munts dla ludea. Düc chi co aldia de cōsc, se fajea ponsiers y dijea: Ci gnarál mo mai fora de cōsc möt? Deache al ea tler che le Signur ea con el. Le möt cherscea sö, y so spirit gnea da forza. Jan á spo vit tal desert cina en chel de ch'al á cialfé l'enciaria de se presenté te Israel. (Lc. 1, 57–66.80)